

VLADA FEDERACIJE BiH
Ministarstvo prometa i komunikacija
g. Enver Bijedić
Ministar

**PREDMET: Prijedlog za raskid Kolektivnog ugovora za područje
telekomunikacija u Federaciji Bosne i Hercegovine**

UO UPFBiH na svojoj proširenoj sjednici, održanoj 29.01.2013. godine u Sarajevu, nakon predočene analize stručnih službi, donio je odluku da se pokrene postupak otkaza Kolektivnog ugovora za područje telekomunikacija u FBiH, zaključenog 04.12.2006. godine.

Kolektivni ugovor za područje telekomunikacija u Federaciji BiH su u decembru 2006. godine potpisali tadašnji Federalni ministar prometa i komunikacija, te Predsjednik Sindikata BH Telecoma i Predsjednik Sindikata Hrvatskih telekomunikacija Mostar.

Zakonom o radu („Službene novine FBiH“ br. 43/99, 32/00, 29/03) odnosno njegovim članom 112. stav 1. definisano je da pri zaključivanju kolektivnog ugovora na strani zaposlenika može biti sindikat ili više sindikata, a na strani poslodavaca može biti poslodavac ili udruženje poslodavaca. Izuzetak je predviđen u stavu 3. istog člana kojim je utvrđeno da do formiranja udruge poslodavaca na strani poslodavca u postupku pregovaranja i sklapanja kolektivnog ugovora, može biti Vlada Federacije odnosno Vlada kantona.

Prema članu 39. Općeg kolektivnog ugovora za teritoriju FBiH („Službene novine FBiH“ broj 54/05) kolektivne ugovore za područja djelatnosti zaključuje odgovarajuće udruženje poslodavaca za područje djelatnosti udruženo u Udruženje poslodavaca Federacije BiH.

Udruženje poslodavaca FBiH formirano je 2002. godine. Zakon o radu stupio je na snagu 2000. godine. Opšti kolektivni ugovor je stupio na snagu 2005. godine. Obadva telekom operatora su naše članice, čime smo obezbjedili reprezentativnost za zaključivanje kolektivnog ugovora za područje telekomunikacija. Iz toga proizilazi da Kolektivni ugovor za područje telekomunikacija u FBiH potpisan 2006. godine, s obzirom da nije potpisan od strane Udruženje poslodavaca, nije obavezujući za naše članice BH Telekom dd, Sarajevo i HT Eronet dd, Mostar.

Da izneseno mišljenje nije subjektivno viđenje, možete se uvjeriti ukoliko provjerite vladajuću praksu susjednih zemalja i zemalja EU, te presude domaćih sudova i sudova navedenih zemalja. Naime nedvosmisleno je da kolektivni ugovor za područje djelatnosti može potpisati samo odgovarajuće udruženje poslodavaca, područja djelatnosti, udruženih u UPFBiH. Ukoliko se radi o kolektivnom ugovoru za jednog ili više poslodavaca mogu ga potpisati samo predsjednici Uprava navedenih poslodavaca sa sindikatom ili sindikatima koji djeluju kod tog poslodavca.

Budući da je nesporno da je navedeni Kolektivni ugovor potpisan protivno, ne samo članu 112. Zakona o radu FBiH, nego i Konvenciji ILO 98, pogotovu njenim članom 4, i Konvencijom ILO 154, a koje su obavezujuće za BiH, molim vas da se navedeni kolektivni ugovor raskine, te da se omogući UP FBiH i SSS BiH da ostvare pravo na kolektivno pregovaranje i u dobroj vjeri postignu dogovor o regulisanju odnosa između poslodavaca i radnika, te utvrđivanja uslova rada i zapošljavanja.

U Sarajevu 29.01.2013. godine

Mladen Pandurević
Direktor UP FBiH